



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-117/21

Datum: 19.03.2021. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci roba – higijenskog materijala za potrebe Tužilaštva – Tužiteljstva Bosne i Hercegovine, dodjeljuje se ponuđaču **Defter d.o.o. Sarajevo**.

Član 2.
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnom Konkurentskom zahtjevu za dostavu ponuda.
- (2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Zahtjevu.

Član 3.
(Stupanje na snagu)

Ova odluka stupa na snagu datumom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-117/21 od 15.02.2021. godine. Javna nabavka je provedena putem konkurentskog postupka. Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-1-52-3-7/21 od 18.02.2021. godine. Dana 24.02.2021. godine je zaprimljena žalba na tendersku dokumentaciju, koju je ugovorni organ usvojio i izmijenio tendersku dokumentaciju dana 24.02.2021. godine, te objavio Ispravku obavještenja broj: 435-7-1-52-8-9/21 od 24.02.2021. godine. Do krajnjeg roka za dostavu ponuda, na Protokol Tužilaštva – Tužiteljstva zaprimljene su dvije uredno zapečaćene i neotvorene ponude ponuđača: Robot General

Trading Co d.o.o. Sarajevo sa ponuđenom cijenom od 20.979,93 KM bez PDV-a i Defter d.o.o. Sarajevo sa ponuđenom cijenom od 15.374,16 KM bez PDV-a.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2021. godinu, broj: A-63/21 od 29.01.2021. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

- Ponuđač Robot General Trading Co d.o.o. Sarajevo je u Obrascu za ponudu u tački 6. naveo da ponuda važi „90 dana“, odnosno nije naveo broj dana važenja ponude brojevima i slovima nego samo brojevima. Međutim kako je navedeno izjašnjenje napisano čitko i nedvosmisleno, to ugovorni organ samu ovu činjenicu ne smatra propustom koji bi doveo do isključenja ponuđača iz daljnog postupka nabavke. Osim toga, u nastavku teksta tačke 6, ponuđač je iza teksta „računajući od isteka roka za prijem ponuda, tj. do“ upisao datum 09.03.2021. godine a ispod riječi „do“ dopisao, bez bilo kakve ovjere riječ „od“. Iz navedenog se može zaključiti da je ponuđač smatrao da se datum koji je trebao upisati odnosi na datum isteka roka za prijem ponuda, te da je ugovorni organ napravio štamparsku grešku koristeći riječ „do“ umjesto riječi „od“. Međutim kako je ponuđač prethodno nedvosmisleno naveo broj dana važenja ponude, te kako je jasna priroda navedene omaške ponuđača, te konačno kako je u tenderskoj dokumentaciji ugovornog organa u tački 4.9 navedeno da se, čak i u slučaju kad ponuđač uopšte ne navede period važenja ponude, smatra da taj rok ponude mora važiti tri mjeseca, to navedeni propusti ponuđača ne predstavljaju vrstu propusta koja bi dovela do isključenja ponuđača iz daljnog toka postupka javne nabavke.
- Uvidom u Izvještaj o preuzimanju tenderske dokumentacije, ponuđač Robot General Trading Co d.o.o. Sarajevo je preuzeo sa portala „E-nabavke“ samo izvornu tendersku dokumentaciju, dok nije preuzeo izmjenu tenderske dokumentacije koja je objavljena na portalu „E-nabavke“ dana 24.02.2021. godine. Navedene činjenice same po sebi nisu razlog za isključenje ponuđača iz daljnog postupka javne nabavke. Međutim, analizom dostavljene ponude utvrđeno je da ponuđač nije u obzir uzeo navedene izmjene, a koje se odnose na tačno, odnosno precizirano identifikovanje predmeta nabavke, a koja izmjena predstavlja suštinsku izmjenu predmeta nabavke. Navedeno je uočljivo između ostalog iz činjenice da je ponuđač u svojoj ponudi dostavio Obrazac za cijenu ponude koji je bio prilog izvorne tenderske dokumentacije, odnosno nije dostavio Obrazac za cijenu ponude koji bi uvažio i sadržavao načinjene suštinske izmjene tenderske dokumentacije. Na taj način, kao ilustracija u izmijenjenom obrascu za cijenu ponude je pod rednim brojem 1. navedeno da se traži „ubrus, papir troslojni, rola – dužina 25 cm, prečnik 10 cm, celuloza“, dok je u obrascu za cijenu ponude koji je dostavio ponuđač navedeno da je u pitanju samo „ubrus papir troslojni“, bez daljeg preciziranja opisa tog dijela predmeta nabavke. Ponuđač je, doduše, dostavio obrazloženje ponude broj: 99/2021 u kojem za navedenu stavku broj 1. navodi samo pojašnjenje da je cijena ponuđenog ubrusa izražena za jednu rolnu, koje pojašnjenje se uopšte ne odnosi na opisano preciziranje predmeta nabavke. Tako se ni iz jednog dijela ponude predmetnog ponuđača ne može zaključiti da nudi upravo onu robu koja predstavlja predmet nabavke ugovornog organa, a na osnovu izmijenjene tenderske dokumentacije od 24.02.2021. godine. Identična je situacija i za sve ostale izmijenjene stavke. Zbog svega navedenog, ugovorni organ ponudu ponuđača Robot General Trading Co d.o.o. Sarajevo ocjenjuje neprihvatljivom u smislu člana 2. stav (1). I) alineja 2 Zakona o javnim nabavkama BiH. Ponuđač je dostavio traženu izjavu koja sadrži uslovljavanje, odnosno tekst „osim za one artikle čija su odstupanja navedena u obrazloženju ponude broj 99/21“, te se uvidom u navedeno obrazloženje utvrđuje da je ponuda ponuđača sadržavala i odstupanja od izvorne tenderske dokumentacije ugovornog organa.

- Nakon izvršene računске provjere utvrđeno je da u ponudi ponuđača Defter d.o.o. Sarajevo postoji računska greška u Obrascu za cijenu ponude, u iznosu ukupne cijene bez PDV-a – 15.374,16 KM, koja nakon računске provjere iznosi 15.374,78 KM.
- Dana 11.03.2021. godine ponuđaču Defter d.o.o. Sarajevo je upućen Zahtjev za prihvatanje ispravke računске greške. Dana 11.03.2021. godine ponuđač Defter d.o.o. Sarajevo dostavio je saglasnost za ispravku računске greške, gdje se ukupna cijena od 15.374,16 KM bez PDV-a mijenja i glasi 15.374,78 KM bez PDV-a.

Nakon izvršenog pregleda Komisija je utvrdila da ponuda ponuđača Defter d.o.o. Sarajevo u potpunosti ispunjava uslove za nabavku predmetnih roba, dok se ponuda ponuđača Robot General Trading Co d.o.o. Sarajevo smatra neprihvatljivom u smislu člana 2. stav (1). l) alineja 2 Zakona o javnim nabavkama BiH, te se isključuje iz daljnjeg postupka javne nabavke

S obzirom da je primljena samo jedna kvalifikovana ponuda ugovorni organ neće zakazati e-aukciju, već će se postupak okončati u skladu sa članom 69. Zakona o javnim nabavkama.

Shodno navedenom, članovi Komisije su uputili preporuku glavnom tužiocu Tužilaštva-Tužiteljstva Bosne i Hercegovine donošenje odluke o dodjeli ugovora ponuđaču Defter d.o.o. Sarajevo, čija ponuda u potpunosti ispunjava uslove za nabavku predmetnih roba.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva – Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.



GLAVNI TUŽILAC
TUŽILAŠTVA – TUŽITELJSTVA BIH

Gordana Tadić

Dostavljeno:

- Ponuđačima;
- Odjelu za mat.-fin. poslove.